



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

თავაძე მერაბ შალვას ძე



მ. თავაძე

თავაძე მერაბ შალვას ძე (დ. 29. VII. 1942, თბილისი), მსახიობი და რეჟისორი. საქართვ. სახ. არტისტი (1982). 1963 დაამთავრა საქართვ. შოთა რუსთაველის სახ. სახელმწ. თეატრ. ინ-ტის სამსახიობო, ხოლო 1979 – კინოსარეჟისორო ფაკ-ტი (ო. იოსელიანის სახელოსნო). 1963-80 შოთა რუსთაველის სახ. სახელმწ. აკად. თეატრის მსახიობი იყო, 1979-იდან – კინოსტუდია „ქართული ფილმის“ დამდგმელი რეჟისორი. 1992 მეუღლესთან – ი. გიგოშვილთან ერთად დაარსა „სამეფო უბნის თეატრი“ და წლების განმავლობაში არის მისი უცვლელი სამხატვრო ხელმძღვანელი. თ-ის მიერ რუსთაველის თეატრში შესრულებული როლებიდან აღსანიშნავია: დათო (ვ. რობოვის „ვახშმობის წინ“), ლაშიკო (გ. ნახუცრიშვილის „ჭინჭრაქა“), ბობენი (ე. ლაბიშის „ჩალის ქუდი“) და ლიზანდრი (უ. შექსპირის „გაფხულის ღამის სიზმარი“, პერდიკანი (ა. მიუსეს „სიყვარული სახუმარო არ არის“); მარჯანიშვილის თეატრში – თარაშ ემხვარი [კ. გამსახურდიას „მთვარის მოტაცება“ (მიწვეული მსახიობის რანგში)], იპოლიტი (ჟ. რასინის „ფედრა“) და სხვ. მის მიერ შესრულებულ როლებს ახასიათებს უშუალობა, სცენური მომხიბვლელობა. გადაღებულია კინოფილმებში: „დრო იწურება განთიადგე“ (მოსფილმი, 1965), რუსტამი და სუხრაბი („ტაჭიკ ფილმი“, 1970), „ბატერფლაის დაბრუნება“ (დოვეჟენკოს კინოსტუდია, 1983), „მყუდრო სავანე“ (რეჟ. კ. ღლონტი, 1970), „თოჭინები იცინიან“ (რეჟ. ნ. სანიშვილი, 1964). საერთაშ. აღიარება მოიპოვა თ-ის მიერ გადაღებულმა ფილმებმა: „ოკეანე“ (გრან პრი საზღვაო ფილმების საერთაშ. ფესტივალზე, ვილნიუსი, 1976), „მაცგი“ (1982, 5 ჯილდო ევრ. ხუთი ქვეყნის მოკლემეტრაჟიანი

ფილმების ფესტივალზე), „მე დავბრუნდები" (1982), „ბრავო, ალბერ ლოლიშ" (1987, პრიზი მოსკოვის საერთაშ. ფესტივალზე საუკეთესო რეჟისურისათვის, 1988), „ფესვები" (1999), „ხვეული კიბით" (2001, მთ. პრიზი ანაპის საერთაშ. კინოფესტივალზე საუკეთესო გამოსახულებისა და ოპერატორული ნამუშევრისათვის); „წინაპართა ნაკვალევზე"(1990). თ-ის მიერ დადგმული სპექტაკლებიდან აღსანიშნავია: „მოვედ სიყვარულისათვის" (რუსთაველის თეატრი, 1991), „შუმანიკის წამება" (1997) და „დრო და უამი" (1996; ორივე „სამეფო უბნის" თეატრი); გერმ. რეჟისორებთან (გ. ბევილდი და მ. კნისბეგი) ერთად ქ. ესენის „გრილო-თეატრში" წარმოადგინა სპექტაკლი „ოიდიპოს მეფე – ოიდიპოსი კოლონოსტე" (1993).

ლ. შენგელია
